

易

簡

齋

詩

鈔

易簡齋詩鈔卷二

蒙古 額爾德特和瑛 大莽

乙卯

上元春燈詞二首

綵勝花幡色色新三饒初教賀芳辰誰知趙豎

傳新歷猶是嘉平月半春

是日立春猶為藏歷臘月

樂行苦住果何憑皎潔嬋娟悟上乘
審客今宵須放眼佛燈叢裏看花燈

以詩索裘靜齋墨梅畫幅

誰把羅浮影移來五竺天毫端霜萼染紙上雪
衣聯生意超千界空花出寸田高宜斜籠月低
合淡含煙墨竹堪成友緗桃未足賢色香真寂
靜畱取伴餘年

和松湘浦司空詠園中雙鶴元韻

鶴本天仙姿性愛雲山駐受養不受羈可招不
可捕我學張雲龍來馴雅園素清神警夜半雪
鬣披春煦俯仰如桔槔爭識高閒度萬里脩羽
毛庶免羣雞妒有如德不孤應此青田數時作

九皋鳴自足驚野鷺

擬白香山樂府三十二章

周雅詠棠華

親兄弟也

周雅詠棠華陳思歎其豆同氣篤親愛三姜世
罕覯一室共被臥梁代韋張又五歲李平邱良
能殆天授忍飢不別食一片衣領袖瓜果待相
嘗書文共研究家貧茹蔬菜穀炊仲子候脂燭
供無缺學業終成就奉兄如嚴親夏衣不私售
危坐敬如賓冠帶謹屋漏兄弟並斑白兒女讓

昏媾百口無閒言雍睦家聲舊燃鬚仍進粥姊
弟憐老壽公堂徹已饌餉男笑鄙陋鼠壤有餘
蔬卻被莊生詬

精感動草木

精感動草木鬱鬱田氏荆議分樹樵悴感合樹
重榮閉戶彤自搗翩反改弓駢婦逐圖分箸誼
敦骨肉情叔食糠覈肥杜絕離閒萌子威旣爲
侯田園諸弟并飼陽佩印綬儒術脩身明奴婢
取老弱圖書千卷清牧羊十餘年與弟重經營

痼疾養終身但聞紡織聲不受公府辟推賢鍾
季明矯令病陽狂讓爵韋元成佯喑兄被命託
疾弟就名楚金與越石雙雙舉帝京許武割財
產自冒貪婪名他年爭三倍榮利兩無爭

載詠鵲鵠詩

載詠鵲鵠詩兄弟孔急難齊義二子爭母言竟
得道投箋與河伯君儒執浮岸兄弟生不辰會
遭一方亂禮瘦孝則肥兄羸萌則健爲脯琳自
縛兩釋季江扞衰融義爭死北海名獨冠文季

果能報文叔縊可嘆中矢授以馬萇襄均無患
鉅鹿甘粗糲

鉅鹿甘粗糲耕蠶鄉里羨二方海內稱史奏德
星見蔡桑並寇吳白首鱸粥便合爨有六人擊
鼓會八院張公九世居表閭賜帛絹陳家七百
口義犬傳里諺

卻缺耕於野

敬夫婦也

卻缺耕於野妻饁敬如賓舉案光齊眉梁鴻非
傭人婢問牀下拜乃驚太邱陳篤疾妻省視扶

起加幘紳止酒正衣冠一歲再三巡早起希見
面遇禮嚴君臣

重德不重色

重德不重色喜舊不喜新黃頭承彥女臥龍結
良嫔四德阮一欠百行允未純彥雲尚難匹公
休良足臻

少姣固早託

少姣固早託老惡胡晚嗔糟糠不下堂一言廊
廟珍勿以患難故沒齒情乖泯千金購皇甫鞵

履三十春吐番祿東贊堂下信義伸守道不篤
者黃允遺笑嘖手持長塵尾驅彼短轅輪誰撰
蝨斯詩波揚妒婦津

世稱知己交

信朋友也

世稱知己交夷吾與叔牙落落分金亭千古頹
之涯解驂越石父尊譙禮有加王貢取舍同雷
陳漆膠誇結侶往中山乃遭王丹撾交道不易
言昱拜忙下車刎頸凶其終勢利爭紛拏結綬
隙其末權力攻癥瑕剖心刺血流輕落漫咨嗟

聖戒小不忍

聖戒小不忍兩虎難俱生相如篤忠信將軍廉
負荆登牀把臂責真諒驕矜傾蘇張迭翦髮堂
下激功名莫侮牛醫兒千頃波澄清折節慕公
瑾若飲醇醪醒方領矩步人既貴可相輕一龍
號三友割席終堅貞

貧賤交易忘

貧賤交易忘堂高燕雀賀四海雲同車客星光
犯座府士飲入廡小吏語越坐杵臼堪定交穉

席可分剝易衣張軌出鳴騶到漑臥信義苟不
渝那用雞犬佐

富貴交營私

富貴交營私寡矣先國憂我思炎漢佐博陽高
平侯王識公輔器杜斷喬孫謀軍中有韓范遂
起西羌謳乃知魏無知卓識文安儔

患難不相顧

患難不相顧面朋義鶻羞伯桃入樹死巨伯空
郡畱赦膺賈彪往哭融脂習收救善不及殮君

子恥寡儔成託六尺孤賣卜近酒樓政抱三歲
兒貫箭衝旄頭爭多金蘭簿烏集談交遊

韓仇報先德

顯忠良也

韓仇報先德漢業酬知己所志無一欠紫柏雲
霄裏安劉者必勃內言決牀第早知木彊人力
足制呂氏博陽閉獄時斯意固天使絕口不道
恩問喘安足齒西漢駐節鄧將軍老弱睽孔邇勛
名竹帛垂尤羨十三子東漢戔戔定軍山活活沔
江水曾讀墓上碑三字誰云死後漢擊鳳酒一杯

討峻書一紙紳謀敦不疑忠肝侃應恥晉耐姑
片言定占夢二子起滄海得遺珠斗南一人耳
唐垂簾保安危撤簾關泰否大星五色雲閒氣
爲終始宋

耿恭傳東漢

耿恭傳東漢單兵守孤城鑿山得井水煮弩如
炊秬逾月更連年九死乃一生歸餘十三人丹
心苦節并衣履盡穿敝形容苦紫荆事類典屬
國續志爲忠旌

師古五世孫

師古五世孫常山守臬卿兵弱力難拒僞共履
謙迎那肯著金紫義奮謀舉兵初斬段子光欽
湊首傳京王師二十萬傳檄河北驚曳柴以揚
塵乃走張獻誠祿山勢猖獗付賊史思明修繕
未完備六日乃陷城加刃於少子降活誓不更
營州牧羊奴義烈罵瞋睛啖肉天津橋斷舌慘
吞聲一門三十人死節邀褒旌

魯公國元老

魯公國元老盧杞忍排傾君命不可避豈畏希
烈烹就館偏上疏怒叱李元平委任不致命戮
汝苦無兵四兄何爲王杲卿乃吾兄豈受鼠輩
脅守節死無更積薪起赴火掘坎自投阮老臣
耄無狀殺身仁乃成

南陽張中丞

南陽張中丞意氣干雲霄拜哭元元廟畫像軍
士朝起兵入雍邱乃拒令狐潮膏芻百樓焚鹽
米百斛燒縛藁夜縋城羽箭萬束招傅堞雲梯

拄攻城木馬消射目識子奇走白矢剡蒿食盡
茶紙杵馬盡鼠雀饒鎧弩亦堪煮老弱悲鼎調
愛妾豈足惜童奴兼充柺守死竟勿去江淮保
障遙嗚呼臣力竭厲鬼志擒梟

人面中六矢

人面中六矢不動雷將軍斷指以示信哀哉南
霽雲獨食不能下賀蘭憂未分一箭中浮圖志
吞犬彘羣男兒義不屈三十六人焚

中丞入睢陽

中丞入睢陽許遠困伶仃軍糧與戰具專治一
經生致走洛陽道偃師喪忠靈勿以後巡死私
議別渭涇幽憤動鬼神簡書燦日星昌黎傳後
敘刻畫勝丹青

天地塞其體

天地塞其體正氣鍾文山童年謁忠節遂慕俎
豆閒一揮萬言策得人賀考官龜鑑懸古誼鐵
石披忠肝斬董人心一釁呂將士觀當時捧檄
初涕泣結峒蠻亦知烏合眾驅羊縛虎難重念

養育恩悼痛撫几盤父母有疾病下藥兒心安
自古誰無死汗青照心丹凜凜正氣歌字字珠
淚酸坐臥一小樓志豈有黃冠求生害仁易舍
生取義難先生衣帶讚所學良不刊

黃雀雙玉環

勵清操也

黃雀雙玉環厥兆三公職昌邑畏四知太尉祛
三惑清白吏子孫貽謀絲燕翼至今潼亭旁夫
子賢名刻子况兼文武市吏庸沈抑舉賢感延
年知人號定國不敢干以私門庭脫荆棘河南

折轅車珍寶絕封殖車萊大驪馬軍容無苟得
是遵何道與一生篋篋飭烏合世宦場撲面勢
叵測數會人易狎受餽道難直林邑壁久藏姑
臧劔瑩拭梁瓜終不剖庭魚畱久憶世人愛美
官肥瘠論疆域沈黎往者廉合浦貪者息俸薄
儉能足骸弱欲曷極彤無兼副衣虞無兼肉食
井水清且苦李令泉足式更有羅彥輔姑溪況
清德之官琴鶴隨歸舟土石塞胡牀掛壁閒藥
籠委道側砧非來時物犢乃爾土力脂膏不自

潤達哉君魚識

下吏事長官

戒逢迎也

下吏事長官耳目心思竭民膏供豆觴儲峙盡
乾沒不見何易于嘉陵自腰笏暮春划閒船蕭
結批符歇餅惡鞭驛吏少逸達金闕言語不易
出作緣烏可忽錦幕易靜江綵席撤節鉞飲馬
錢投水取芋絲掛樾闍味果不欺福星一路謁
試看柴車旁良璞終發越

天府富四海

禁侵漁也

天府富四海任土古作貢無乃貪墨流苞苴藉
巧弄采竹宦者暴蚶菜嶺南恫敢絕翠羽索豈
願牛黃眾道州民盡矩幾許侏儒送持研沈清
名罷柑勒箴諷斂怨餌霽顏幻同蕉鹿夢

妻子歷官舍

絕私蓄也

妻子歷官舍易啟奢縱媒苟能甘藜藿白璧無
點埃布裳不加緣既貴含餘哀豈知執爨苦未
見曳柴回入府行貲藏敝衾鹽麥堆自奉已若
此緼袍舉可推田禾將軍子白衣步擔來袁宏

不乘車闔郡無人猜黃柑餉一奩珠璫上百枚
子女絕私賂遑問囊中財

地道不愛寶

重民事也

地道不愛寶天心溥美利生民衣食源所貴農
桑治渤海樹藝興佩犢循聲記潁川稱神君應
時威鳳至露宿邵父勤修陂杜母瘁况之冬日
愛譬之春陽遂李冰鑿離堆不徒沫患避沃野
千里開陸海萬民惠九真號獷悍弋獵以爲事
課創免飢寒生子名任字牛耕省其力水彙造

其器拔茶蠶事興賣儲織具備蒲陽田再熟著作林舍翠乃歌五袴惠亦頌兩岐瑞卹隱豈沽名達道本求志師古蹟不遠訓彼牛羊吏

天災古代有

救災荒也

天災古代有盛世籌艱虞荒政十有二救民憂患蘇常平公私利封椿緩急需持節以發粟事豈繩墨拘開倉舍都亭東郡比懃儒鄭公活萬人中書令所無義穀贍全部大倉儲九區烏有燕子田會上流民圖困役罷黃河代賑修蠡湖

買絹畫良策市牛真奇謨所怪壅上聞牧守成
盜竿請看武陽尉刺史無乃愚且學明山賓損
耗甘追逋一身甘獲罪無使飢寒呼

文翁化巴蜀

興教化也

文翁化巴蜀石室祀先師配以顏曾賢風俗齊
魯移延壽治潁川皮弁學禮儀遂棄偶車馬彬
彬三代遺鳴梟哺所生鸞鳳巢高枝持衣詣閣
首化同魯恭奇良夫絃歌雅俗吏惡能爲雲定
虎尾誠懦者差詭隨莫笑戴帽錫治理殊相歧

一觀伯瑜像此感深銘肌

書扇鬼泣訴

慎刑獄也

書扇鬼泣訴吏甚大暑酷達人鑒斯言筆勾一路哭豺狼豈本性藥石治忿欲胡爲肉鼓吹橫恣筆楚毒渭橋議罰金高廟決盜玉廷獄處其平法當如是足况乃惠文冠怨興畫地獄莫嫌銜轡緩但示蒲鞭辱殺人以媚人敲扑恥迎俗拂衣委手板千古金石錄

易繫雷電卦

寬法律也

易繫雷電卦威照期並行聽辭惟簡孚質刑乃
允明文史習律吏古法決儒生耳剝前世事意
覆處其平考一連十百寒朗昔廷爭陳咸三世
昌議法惟以輕駟馬容閭門因之字升卿株罍
繡衣活策算平陵榮鬻貨傲天罰峻刻少令名
若水真仙骨希賞遠俗情

聽訟吾猶人

明聽斷也

聽訟吾猶人片言折獄難仲子有奇氣豈獨我
雄冠眉睫以辨盜哭泣以知奸馬血燬刃青無

影兒畏寒聲色固神渺博雅稱粗官次之鉤距
術妙緒披靈竿解牛市鹿脯鞭絲飼飛翰主名
郭門削婦窺井中瀾截蘆與捫鐘伎倆窮一端
幽感滌庭魂明少犴獄歎重關日洞開餅餌懷
門關告我白鬚公一一洗肺肝嚙肩飲乳高肉
袒閉閤韓吁嗟鷹鷗威何如棲鳳鸞

牧羊去敗羣

除豪奸也

牧羊去敗羣地瘠羊可肥養禾鋤螟螣農勤歲
少飢黠馬利銜轡柱後惠文依勿以賣菜翁遂

令啼雞微破柱壯李膺擊劒賢翁歸濟南蒼鷹
鷲夏門臥虎威側目任列侯強項標禁闈丁剛
不可屈千載愧脂韋

化盜稱郅治

弭盜賊也

化盜稱郅治弭盜急時務衣裾赭汚痕市里綵
縫露枹鼓竟稀鳴且恃三科募京兆與朝歌屏
盜碑堪樹我聞定襄守下車吏民懼耆老延滿
堂亡匿錄無數又聞渤海公移書罷擒捕教令
棄兵弩鉤鋤把農具何用疾雷將齒積府門路

再遊羅卜嶺岡

達賴天西自在人祇園此日速嘉賓
茶寮飯鉢閒中趣意樹心花物外春
且向空門看活水漫勞彼岸渡迷津

達賴步行導遊園景一匝

問君離垢年年洗

要洗清涼幾世身

九月望登布達拉朝拜

聖容禮畢達賴喇嘛禪室茶話二首

羅些三千界秋光放眼賒自遊唐代寺不數漢
時槎路轉青螺迴門迎赤幘斜

天顏瞻拜肅萬里思無涯

饒舌吸西江傳燈續曉釭法門原不二國士豈
無雙塔靜相風鐸樓暄愛日窗化工無語偈達
賴已心降

馬銜魚歌

我有戴星馬蹀躞來成都伯樂未肯顧九方難

借譽忍飢嚙醉草

巴塘迤西山多醉
馬草馬嚙之輒乏

雪嶂苦奔

踣躄突興不減踉蹌聊嬉娛浴之藏寺江日日
毛鬣濡癢者鎮洗淨八尺皖然軀羣僕等駑駘

屈彼爲前驅忽焉入水吁可怪破浪似探眠驪
珠撥刺滿吻噴雪沫吐地潑潑銀鱗魚意者此
馬信龍種鼇宮寄到尺素書不然此魚本鯤鯨
吞舟西海殘鮒鯁世無斬蛟驅鱷手天公收縮
生神駒噫嘻馬之顯晦在所遇魚之禍患出不
虞作歌咄咄志怪事使人千載常歛歔

秋閱行

邊風獵獵霜天高色拉山下熊羆嗥司空風度
羊叔子書生說劔良足豪當夫一鼓作軍氣雙

甄飛翼張旌旄瞎巴上馬詡神速籠官箎籠齊
懸腰志目中眉射者笑駢頭赤幘關烏號火陣
豐隆走列缺鐵圍震疊江翻濤更有步卒賈餘
勇勃盧跳盪轉猿猱吁嗟自古吐蕃稱強族盍
稚百種西陲驕東魚通今南六詔北達青海連
河洮往代控馭失其道盟碑建樹拉薩招我
朝聲教暨瀛海版圖隸極坤維交蠻碣椎髻皆
赤子皈依象教投漆膠折慢幢遮忍辱鎧摩頂
立地拋屠刀教以孱弱數百載虎皮羊質逢豺

怪金剛振臂兼督睽黎軒善眩驚愚瞭烏鬼蠻
俗固應爾但恨取民如繭繰而今坐鎮兩儒服
柔坏剛顛歸甄陶籌邊那徒振軍旅要使普陀
無屯膏口錢寶布減拂廬荒陬絕徼無鳴磬庶
幾仁義爲干櫓保障勝於窮六韜昨日廓使初
入境叩關脫劔齊垂橐海隅重譯朝

天去底貢遠邁西旅燹獨有五溪槃瓠種釜魚

尚瘁賢韋臯

時湖廣苗匪作亂

閱武歸來獨俯仰摩圍

閣望雲山遙

丙辰

嘉慶元年

上元觀番童跳月斧次楊覽亭韻

天槍耀中垣影落井鬼旁化爲儀鎗舞月斧流
奇光鼓動聞闔風金氣協金剛折腰倣鸚鵡翹
足俄商羊白恰稱錦纈又如鸞鶴翔傑侏始何
年云傳甲螭方宮商曲三疊音勝岡洞長蕭管
嫋嫋中雷門節低昂不作侏儻樂曷爲都護羌
聊聚四海人天末樂未央選官兼選佛作戲偶
逢場緬懷九功舞玉戚

形庭揚不怒而民威

澤沛髡山陽同子斫桂手

謂楊覽亭同年

萬里此頡頏

清詩少鑿痕神工巧乃藏慚非杜武庫弄門夫
何傷元宵靜斯歡快勝歌霓裳夜闌文昌下天
鉞星堂堂

暮春大雪四首

怪煞三冬少集霰卻交婪尾春寒變擁鑪釋子
閉砌樓露寢番黎無瓦片

離居誰遣贈瑤華灑到髡山冷萬家雪竇禪師

休說法蕊芻生怕出天花

六出漫山影未晞曉窗過隙尚霏霏此邦此月
人稱賀我當中原柳絮飛

錦霞簇簇野桃新更倩瑤池灑玉塵如此韶光
三次過天梯山外我同春

四明樓吟

湘浦司空築土樓三楹折如磬曲如矩
四面窗牖一覽山光子名以四明爲賦
長篇

君不見名家豐屋逞木妖齊雲落雁朱甍雕銅
陵金穴欲未厭千古零落風蕭蕭何如空門覺
悟日念咩大家團團棲荒寮我來面壁屆三載
了無文字畱蠻椒無奈山莊挹蒼翠花畦蔬圃
生意饒司空見慣興不淺築此蝸盤磬折之平
礪去梯刻志讀經史雅客爭許蘭奢招書畫掛
牆洗塵俗案頭春色桃天天入手楸枰布星斗
舉觴白墮欺黃嬌噫嘻酒酣何以慰鄉愁爲君
高唱平生遊臥雪白溟鵬展翅乘風渤海鼉吞

舟浙江潮湧滄海日岳陽波撼洞庭秋西入普
陀更放眼那圖邏迤取封侯捉詩莫笑狂副使
四明檐額名齊畱君家無地起樓臺請摹多景
於斯樓

詠喇嘛鴛鴦

火宅僧邊鳥靈根覺有情分明金縷伴獨被紫
衣名水宿優婆影山呼法喜聲在家菩薩玩來
度化人城

皮船渡江

森森長江水皮船一勺登輕於浮笠漢閒似渡
杯僧竹葉圖中泛仙槎日下乘此船成大願那
用挽金繩

詠鐵索橋

鎖結罟罟葦凌空一木懸不愁江面闊只恐腳
跟偏

宿春堆寨

清和月過半不見春堆春壓帳霜如雪窺簾月
似人

札什倫布朝拜

太上皇帝聖容

金粟如來寫

御真天涯咫尺拜揚親

堯年初授逢嘉慶花甲重周紀丙辰春滿上方朝

萬佛化行竺國仰

三身臣年近老卿猶少勉竭丹誠解正因

班禪額爾德尼共飯

方丈伊蒲饌傳餐日可中安排眾香鉢供養老
黃童團墮欺佻飯羶根勝臭銅世閒多夢飽真
飽亦虛空

佛母來謁

佛法無多子燈傳阿練真眼同舍利鳥身是錦
襠人菩薩皈依法摩耶嗣續因安心千偈誦兜
率淨根塵

遊拉爾塘寺

札什倫布
西三十里

掛錫阿羅漢伽蘭此地開經畱前藏轉樹訝貝

多栽

全藏金板
悉貯於此

舍利緘金塔

小銅塔內藏舍利
長寸許如牙金黃

色

優曇轉法雷

古銅鉢徑尺餘
摩之聲如長號

誰將般若眼化

作水晶胎

水晶相傳羅漢所御
拄杖高四尺

隻履無生滅雙鳧

有去來

羅漢履一隻

更遺行腳印

羅漢足印以金粧之擔夯亦

艱哉

曉發彭錯嶺

一枕寒溪夢惺惺百丈林覺關開虎踞倦馬聽

龍吟鑿空

去聲蠻程杳離鄉客思深恁多鸚鵡

背

懸崖仄迳名鸚鵡背者五處最險隘

爭怵鳳凰心

轄載道上口占

野鳥凌晨鬧平沙驛騎催江流金甌水石點赤
錢苔步步闌干密蠻語闌干密看道也聲聲亞古擡用力曳緯
跼波蠻隊唱音似斷猿哀

甲錯嶺風雪凜冽瘴氣逼人默吟

甲錯天摩頂清涼蔑以加罡風吹不斷白日冷
無華雪柱思岡底河源問殊伽寒暄變如此何
處覓飛鴉

詠山花

簇簇花毬錦作堆
渺茲蓓蕾見寒梅
不應天女偷閒久
故遣曼陀貼地開

端陽書懷寄前藏湘浦司空二首

三月反裘客
霄撐石窟眠
雪埋羊胛熟
風逐馬頭偏
紫椹真烏有
紅櫻不見鮮
囊珠二千里
解糴亦欣然

共話關心事
瀟湘萬里雲
看星占福將
臥月夢

和軍

福敬齋和希齋
時統軍湖廣

小別天中節
同懷冀北羣

九重宣露布
絕徼幾時聞

宿脅噶爾寨

寶蓋香鑪迂帛和此邦操刺屬頭陀

前廓匪入寇喇嘛擊

通之貧婆絕頂風霜古澀浪懸崖埤塊多自有三
衣遮法座不須一箭過新羅閣黎蓋膽毛如蝟
墨守強於狐兔訛

定日營書事

第哩浪古寨孤戍鎮荒涼活活銀沙水層層玉
雪岡雲閒無度鳥歧外易亡羊自復三摩地都
無兩面羌莫闌人牧馬切慎女爭桑月竈諸蕃

賁而今樂遠將

聞項午晴刺史抵前藏糧臺任寄贈

文星何事聚坤隅猶憶琴堂問政餘太守昔曾
聞索蟹使君今得見懸魚不妨棋局消長夏更
有詩壇好唱予佛不佞人人佞佛安邊須讀古
人書

宿薩迦廟

香焚螺甲淨禪棲丈六金身古殿齊柱石不妨
真面目棟梁無恙長菩提

殿柱皆古樹高三四丈三人合抱其皮節

文理如聲聞客試觀音貝

寺有海螺白如玉左旋吹之背現觀音影

戒律人隨法喜妻

薩迦有妻室

更有北山樓萬疊不

知何處是青梯

班禪額爾德尼燕畢款留精舍茶話

法筵肅肅開雁堂
釘坐日食盤成行
葡萄菴羅兼糖霜
饌饌陳黯饒頭僵
藤根割割乾羊鳩
盤茶杵牛酥漿龍
腦鉢盛雲子糧麥
炒豆踏盃釜量金
薦榻並獅子牀有
如磁景對若光須
與樂奏鼓謙鏗火
不思配簫管揚佞
童十人錦綵

裳手持月斧走跳踉跄踔應節和鏘鏘和南捧
佛幣未將哈達江噶加縹緗花毬霞氎兜羅黃
粲蒲伊蘭螺甲香主人顧客樂未央願聞四果
阿羅方客曰養心妨虎狂孔戒操存舍則亡出
入無時慎其鄉佛傳心燈明煌煌瓶穿羅縠雀
飛揚儒墨相整理相當定靜止觀歸康莊卽心
是佛真覺王主人笑指河汪洋我鑽故紙君吸
江

畱別班禪額爾德尼

本覺還今覺完然淨覺胎菩提萌樂樹明鏡拭

靈臺未入三摩地先脩七聖財

報恩經一信二精進三戒四慚

五閒捨六忍辱七定慧七者能資用成佛名七聖財一端金色毘奉上小
如來

不寐

惱切還鄉夢寒流枕上喧兵戈銷外徼烽火憶
中原耳熟萑蒲逞心聾岳牧尊履霜非一日百
戰感軍門

送別劉慕陔鄒斛泉中表東歸六言詩三

首

嶺上白雲東去門前綠水西流
落落雲容水態都忘別恨離愁

之子同懷異姓居然棠棣聯碑
樂些一場春夢肩頭扛佛旋歸

雁美鱸肥心事東還鹿馬雙雙
竹葉舟登寰海梅花信寄南江

喜雪次湘浦韻

人間白雪歌天上陽春好景物
逼我來不怕青

山老琉璃合眼看林圃映華皓添料鶴狎童飼
芻鹿趁保鳥獸與同羣亦足行吾道不知肉山
僧念吽何所禱嘻吁瑞兆兮無私歸大造

手煎白菜羹餉湘浦并致以詩

小圃霜菘剛調羹淡不妨瓢兒甘讓美瓜子味
兼芳世羨揚湯沸人酣啜汁忙與君多古意白
水菜根香

高慎躬解元寄中秋見懷詩冬至日始到

遂次韻答和

光陰書劍兩懸懸弱冠交情鎮可憐五十六秋
狂客月萬三千里梵王天人當臥雪羞言老詩
爲褰雲不計篇寄到瑤箋誰印可烏斯塔影正
高圓

祭竈書懷二首

憶昔耽經史三冬媚竈寒

余寓成賢街竈君廟讀書三年不出暮

年貪佛日今夕拜儒官黑突依僧墮青衣別我

歡

岳山廟竈神最靈墮和尚以杖敲竈咄曰只是泥土合成聖從何來竈突乃墮落須臾一

青衣拜師曰我竈君蒙師說法得脫此處特來致謝見傳燈錄

升霄達好語聽

卜到更闌

神赴四天供人思萬里家黃羊虔婦子白鳳感
年華天末友朋聚歲除詩酒賒夢中回首處烽
火憶三巴

謝范六泉饋火鈷

一簋嘗兼味居然撥火鐺憑將炙手戒消卻熱
中情掘勝盤游飯調輸骨董羹鹽梅聊小試漫
作五侯鯖

除日時憲書不至寄蜀中諸友

羲和古命官欽哉授人時我雖宅昧谷忝共璣
衡推胡爲紀數書不到天一涯無那郵筒蹇浮
沈冰雪池坐使渾沌客枉掣修蛇悲年華早變
鬢燈光補重離嗟哉珠爾亥晦朔恒愆期隨月
絕冀莢占閏無桐枝仰慕燕鵲智能避巢與泥
爰作甲子圖循環布星棊正月朔旦始壬寅紀
干支塗抹過半載三點盡成伊作札錦官友夙
好敦無遺倘惠一卷書奉之如靈著

丁巳

梵樓遣興二首

天地無棄物萬象游鴻蒙小千大千中一任談
虛空吾儒重現在百年責當躬過去未來想佛
法誰與窮林間坐三白面壁帛和同以思不如
學莫問松枝東

止觀上乘義近似乎知止定靜固生慧所欠能
慮耳繹彼塵根識物交物而已穀放瓶裏雀瓦
投地上水天君果泰然卻勝鑽故紙

山莊落成題曰挹翠用杜少陵遊何將軍

山林韻賦詩十五首

機渚禪關路琉璃碧瓦橋祇陀登彼岸布達隱
重霄溪虎曾聞嘯雲龍早見招那知天末客幽
趣六道遙

不用千章木南山夏雪清草茵看宿鹿林屋聽
遷鶯地僻畱殘客門閒止沸羹更從江北望陸
地負船行

皮船負而曝之

茂叔青林社西來鎮赤氐鶯溪連月窟丹井出
天池亭合名三笑堂還作五知惹僧詩句少黃

衲枉來披

畦種蛾眉豆纏頭小院花喧逐無白鳥灑埽有
青蛇館築爭春俗園開獨樂賒儘教書籍賣敢
近梵王家

佛場金刹閔詩思鐵圍開蘆筍占叢竹桃葩認
早梅不愁花信晚可喜雁書來雨洗塵霾靜沾
衣坐碧苔

鹿角翻蛩穴龍門鑿涸泉浪圍花作雪風約絮
成絲幾費黃嬌酒頻投白選錢舊園多古意高

枕憶全川

入室芝蘭臭迎風馬蘭香有空宜宦冷無暑自
心涼未雨蜻蜓出聞聲蛙黽藏浣花溪畔月萬
里共蒼蒼

水分功德九灌溉仰方池曲曲盈蹊壑潺潺響
幕羅流觴煩麴子抱甕有羌兒豈爲江湖興天
教渥澤隨

筆落千年雪囊開一握雲詩編哦李杜易策衍
羲文法任枝橫出流參末益分有無三語椽饒

舌枉紛紛

超然騎屋興一覽快如何薄宦羈身毒浮塵走
杜多春擔花市女醉蹋柳林歌不怕書生詭由
他禪將過

戲斬三印竹蝸涎葉上書慈根分野寺生意壯
吾廬放梵林喧貝翻經壁走魚亭亭清興足那
獨好樓居

華峯南北路琴鶴雨遷移此日門園子當年竹
馬兒霜催元亮圃雨足少陵陂卻對新栽柳戎

戎撈碧籬

側耳風聲木干戈響寂時安心頻續夢說偈好
吟詩飲食銷鋒鏑年華攬鬢絲武陵村社住且
莫理歸期

冷煖閒碁子能消夏日長酒緣拋黍麥茶品論
旗槍偶掬菴羅果閒蒸海嶠梁華胥如可到子
細答軒皇

寒木春華性山中樂養年雁堂淹歲月猿坐味
林泉白下瓢兒菜青門燕子田十年歌偃息回

身... 卷二
首意悠然

署圃雜感五首

天藏烏斯池花馬棲蘭省奇絕巴蜀國汲鹵出
鹽井山隈沙草白鑿空錐脫穎下鹹而上淡開
閉提竹綆誰將東海鹽轉運地中騁乃知造物
公亭毒非私請遂使巉巖閒民無淡食警

火井咄可怪穿口如畫餅挹注煎水晶青煙裊
萬井諸葛一窺時炎漢餘光炳至今三千年女
丁出穴丙豈惟巴蜀利艦轉荆湘境堆阜計斗

斛售直賤淮潁皇天惠不費五行土所秉明無
膏煎患化使薪爇省橐籥鼓洪爐陽精耀外景
由來旣濟功千古明夷省

蜀翁八百年壽與錢鏗匹休咎不掛口鬚眉卜
其吉冒馬名李寬咒水能醫疾遂使成都民街
幻傳此日乾坤納海岳風雨好箕畢孟子曰無
傷是乃仁之術

梅山槃瓠種開自熙寧年高辛得畜狗犬戎頭
可奪子孫乃蕃息溪洞蒼崖巔鬼方克殷高虎

旅振周宣貌癡而情黠安土延荆滇黃茅竹箭
窟處處攢瘴煙守險類鼠穴驕驕惡得前吁嗟
章惇議誰知無咎賢

東瀛古海島鳧寇如魚多鮫人不敢出蜃戶思
沈波乃有斬蛟手虔劉沃焦阿拾卵禁鯤鯢無
以干天和昔聞海府吏閘禁苦畱苛海盜生有
種受賕乃媒囹苟子之不欲聖言烏可磨

七夕濃陰

江濤寂寂魚龍秋有客欲登竹葉舟今夕何夕

問河鼓密雲低下南山幽停機飲渚事悠謬火
炬我照薰天愁安得倒挽銀河水一洗巴峽荆
門流太清滓污君莫恨萬里無心看女牛

馬桐酒歌

蒙古名氣格

房星之精天駟光渥洼青海名駒場飢食雪山
草渴飲天池水化爲剛中柔順之潼漿潼漿生
不入煙火蒸雲沃雪羞杜康清於醍醐冽於泉
釀蜜縮頭甘醴藏麴生風味豈不好用物終嫌
謀稻梁身處脂膏不自潤屏絕麥黍頭低昂聖

賢中之聊爾耳井花冰液足清涼清涼卻走丹
田煖春風入髓筋骨強東坡真一過醜烈洞庭
春色名虛張飲中八仙儻得此當年肯入無功
鄉

飼池魚

方塘青見底澆滷快纖鱗欲飽波心鮒看浮水
面蘋啖花空自逐縱壑渺難伸體具含生性功
施發育仁不驚殘月釣肯上巨鼈綸柳子文章
在莊生笑語頻會心知爾樂得意向人親

帝澤涵無外忘機任小臣

項午晴和前詩賦四韻答之

海鷗時狎客山獸解隨人自飽池中物知無化
外民我慚驅鱷手君試釣鼇緝回首巴江上應
懷撫字仁

中秋玩月簡後藏湘浦司空二首

問月月無語停杯對影三朗開無我抱清共太
虛涵勿醉謫仙酒聊觀摩詰龕廣陵空有曲漫
聒老瞿曇

四海漫相識西風歎聚蚊偶尋衰粲竹還讀謝
莊文獨憶人千里關心月十分最高峯頂宿身
外是浮雲

簡裘靜齋范六泉二首

到處清光滿一輪那關千里悟三身天涯行住
皆爲客明月依依當主人

鳳山嵩岳兩茫茫玉宇瓊樓說上方料得遊仙
枕上夢不知客裏又他鄉

九月三日迎霜降

菊傲東籬百草腓
迎來霜信整戎衣
令知是月關兵氣
心到中原憫殺威
時川楚教匪未平
孤鶴依人聽月唳
蒼鷹得路刷雲翬
自憐華鬢猶看劍
莫遣寒芒達紫微

傷艾夔菴孝廉

皓首悲千子
青燈共兩人
五年欽長我
九月記生辰
夢路髡山外
文名薊水濱
不知心掛劍
何日過車輪

重陽九詠

夢高

夢裏雲霄客身輕一羽毛游仙守躬臚

音爐五

州碑身中陰陽既濟爲躬人身精氣不散爲臚

梯佛御輪尻自覺龍山

小誰言鳳嶺豪去天纔一握無日不登高

聞梵

我無牛飼病日把誦經珠曲少文峯尹

江南野

尹氏女善歌重陽登南山文峯歌一曲聲傳十里

談無博士胡

搜神記

皓首書生稱胡博士九月九日土人登山聞講書聲乃老狐也

振鏡喧柳岸吹

角闕雲衢噫唱黃金萼

九日拜

今成老相塗

架菊

菊盆三百本結架近危樓不到風霜肅安知雨
露周人依仙圃淡花動木山秋勝寄東籬下凋
殘號隱流

攜酒

桑落中華寶攜瓶偶一開况逢黃菊節絕少白
衣來臍煖千山雪腸消九日杯自防他席醉恐
上望鄉臺

餽餌

糗餌酬佳會劉郎詩思勞我來金剎地題作寶

階糕

松漠紀聞金史重陽作寶階糕

拒妝羞陳黯醍醐擬沃膏

遙傳祝兒女百事莫名高

呂公記九日以糕搭小兒頭祝曰願女願

兒百事皆高

煎茶

解箬蒙崖頂喧鐺沫餗湯鶴移三徑遠泉注八
池香偶試驛酥點時兼麥引嘗皎然同陸羽到
此也徜徉

嘲射

憶昔歐陽子嘲詼拙射蕭

太平廣記唐蕭瑀不解射九日賜宴較射

矢俱不中歐陽詢朝以詩

六鈞難志彀百發不穿綃鵠亂雲

中雁風搏海上潮將軍曾射虎沒羽是前宵

是日

有善射不中者

聽碁

學禪人默默十九路迷離布陣神光費觀場眼
力疲聲聞堪入妙耳順復何思似戰長楊雨紛
紛落葉時

望江

禹力不能到江流獨向西恒沙出阿耨藏布護
招提客宦南溟近京華北斗齊波濤澄似練秋
色正淒淒

放魚用東坡韻

鹿角優游一勺水不愁理會蚪蚪尾凭欄時見
人影親方壺疑有蛟龍起鸚鵡不堪供匕箸鯤
鮪豈中佐酒醴憶昔坡老遷池魚未許潛師得
專美君不見天寒冰凍池水涸困於泥沙絕流
泚不如放之大江中免嘆遊魂沈釜底

送別范六泉秩滿還蜀

送客仙陀望益州岷江源過水東流慈根舊竹
煩青眼年景新花感白頭利馬佛添行李壯棘
林香束別情幽成都歸去如相問一卷詩輕萬
戶侯

戊午

雜感五首

子方贖老馬巴西不忍麈矢此安懷願擴之物
我齊

醫桑有餓夫結草有老人利物在一念險難保
其身

作吏勿太剛太柔復折傷威行濟以恩善後得
其方

治民法然明治吏師蘇章不見皇甫嵩安居歌
冀陽

居無赫赫名去後常見思請看麴信陵何如青
石碑

署圃雜詠十八首

桃源

晨下摩維閣兀坐大樹根不舟亦不車以步尋
桃源桃源本烏有作記子虛論也如蟠桃核安
得齊崑崙人生在所樹咄嗟開芳園春華更秋
實聊勝蒺藜繁

射圃

昔聞二巴郡復夷名弼頭能作白竹弩射殺白
班彪近聞川蕤苴披猖天鳥流安得枉弓矢取
象懸巢頭我老賈餘勇擬壯天山猷一箭新羅

去射圃空夷猶

青社

遠公白蓮社濂溪獨名青窗前生意滿理足補
西銘取泥放蚯蚓埋珠宥蜻蜓理會螻蟻穴修
養黃雀翎斯事近佛理度厄鳴鐘聽俗緣未盡
者莫漫叩吾肩

草亭

林閒止九白聞之廿四祖我雖階下漢梵歷住
經五佛告營比邱鳥獸惜毛羽多欲復多求世

人無乃苦南陽抱琴廬西蜀浣花圃落落一草
亭風流足千古

謙井

陰家千尺井崇朝通佛仙何獨有爲者掘井不
及泉酒醴世所用丹砂古空傳鑿井勝寄汲勿
令潤澤潛借問井何名漏洩斟溪兼水流而不
盈變盈而流謙

蔬畦

陽春不擇地學圃超騫英石田數十席朝朝勞

目耕礪确變膏腴
雨甲煙苗榮綠菘
閒紅藍土蔬雜蕪
菁擷此書生味調
我黑鬢羹莫采鍾
馱菌異味防傷生

涸瀑

自過頭道水沛然
湧文思酌潦竭智
井決湍瀉漏卮挹
彼智慧泉注茲功
德池池中何所有
白萍活卽師黏塊
不早慮涸轍良足
悲左右逢其源川
上嘆如斯

鷺溪

水源耆闍崛驚溪乃其流方諸印月明手談涵
星幽俗僧元陰池蛙黽噪寒湫敲詩紫石潭蛟
龍起滄洲溪水無容心一片天光收持此問維
摩解悟水因不

柴扉

朱門信華蓋如市復如海次公醒而狂歎彼輪
煥采寂寂此柴扉獨掩南山嵬中有康衢老雪
毫霜刺改剝啄喜聞聲家賓鬧花蕾寄語熱宦
流埽徑天西待

柳壁

釋家重面壁聖門戒面牆吾以柳爲之儒墨兩
不妨動搖風月入咫尺雲天長匡衡鑿窮廬達
摩坐雪岡叩我琅玕叢更有空花揚惜哉帛和
禪未見大文章

月戶

神仙槎月術不識月中梯梯上清虛臺臺與廣
寒齊雖無蟾桂影下見山河低貼紙光燄窄貫
槎歲時稽玉飯襍被裏瓊漿曼都詆得此甘露

門天尺度千迷

雪臺

東坡繪雪堂藩外藏身固何如天然臺寫照寒
光素長空笑雲倚大江嘆波注流連一物耳魚
鳥何所慕峩峩普陀山藹藹長生樹欲措望鄉
眼早辨朝天路

菊徑

菊婢不足數仙苗助幽興精舍五柳陰未肯荒
陶徑陽春行有腳華秋爭沒脛朵朵老僧衣雅

與逸客稱勿使美人妝亂我枯禪定猶有傲霜
枝蹋去蓬蒿勝

苔茵

石髮染山翠水衣濯江流唯此地上錦坐臥襟
懷幽映日鋪翠氎帶露團花毬莊生栩栩幻王
孫依依愁矢此寸草心點綴江南畱何必沙石
篆夢挾風雅翰

茶鑪

天上有酒星地下有酒泉天地不愛寶最後茶

經傳陸羽竈邊陶樵青竹裏煎嗜茶君謨老止
酒淵明賢我亦學把玩鑿落數盈千築此烹茶
鑪鳩盤談茗禪

花塢

朝過繡衣偶暮對麒麟榭嗟彼爭妍輩有似范
靡曼我作藏花塢普度春光褪春光鎮可畱要
在根柢健秋霜可以傲冬雪亦無怨護花花解
語歲歲錦堆萬

書架

春音惑鐘鼓流丸止甌吏士貴曉今古不作鬼
董狐我有捫蝨菴六經爲庖廚旁行畫革流庫
露驚連珠矻矻辨魯亥聊吾歲月娛何當菁山
生告以眾說郭

詩囊

梁園杜荀鶴一枚泥可嘆更擬香山老樂地黃
居難數數論癡符詩名怕野干果稱詩壇將何
獨師黃韓搜我乳酪腸陶洗有餘歡括囊庶无
咎聊足償粗官

詠白牡丹

自入琉璃界戎葵不校芳
折搖琪樹影插映玉盤
光佛國全無色禪天別
有香任開花萬萬冷
淡屬空王

再用前韻

瑤池仙種別夏雪逞孤芳
桃李漫山俗盤盂拂
紫光染根猶是色眾妙
自無香富貴天西獨花
中白淨王

哭圖謙齋太守

一諾千金義薄雲風塵物色感逢君十年風雨
人尋夢萬里關山雁失羣鸚鵡洲前虛問政漢
陽江上在從軍春明門近天涯遠應悔當初出
守勤

中秋和裘梅亭寄懷元韻

西南朋利蹇君子貴貞幽况復五年長賢如二
仲流冷宦雲淡淡熱宦路悠悠卻老青燈業投
閒赤子憂一輪天畔月千里客中秋禪座畱金
刹冰銜掛鳳樓假年吾所願寡過子其儔獨念

巖疆重

皇恩少寸酬

己未

園中桃熟

那費三千歲窺園結實繁蟠枝防鳥啄絡葦護
風翻不羨凡花色常培自在根三巴春萬樹何

處問桃源

蜀中有桃源二一在簡州一在敘州
舊有耕者得銅牌一曰小桃源有詩

云稊約去朝真仙源萬木春
要知竊桃客應是會稽人

對月懷湘浦制軍

白髮悲秋夕黃冠解夏逢西來萬里月東向一枝松皎潔山河壯高寒雨露濃曠懷無我照誰與化妖烽

七月二十五日奉

詔熬茶使至恭紀五律

節使來

丹闕星輶稅賀州十年重會老

格勒克那木喀喇麻戊申使藏

過成都今年七十三

百戰舊封侯

侍衛霍寧額襲其兄和隆武侯爵

節感

孟蘭獻天寒草木幽萬方悲過密

聖孝矧多憂

中秋對月書懷二首

一點圓通界秋光老更新側寒巒嶺外清切楮
江濱久客離情少忘家異姓親張弓憶秦蜀多
少月中人

蜀棧頻通塞秦關及亂離往時迎竹馬此日逐
林麋幾度關山怨無端子夜悲軍門聽永夕報
國恨遲遲

八月聞軍中小捷賦雷始收聲

百八陽潛伏收聲靜化原豐隆息仙火霹靂暗
神旛疾將功成日天威斂不言根莖從孕毓切
莫起金門

對菊書懷送項午晴秩滿還蜀八首

白社青雲路華夷正色同精英舒垞土根抵費
春風九畹佳蔬供三山良藥充元和老居士底
事憶南宮

宿命金行客天西不厭高節花同苦意晚實並

甘桃

菊花似薏苡花爲苦如意

丹合劉生術香餐

屈子騷回看紅紫豔搖落小平臯

十八香中冷

王十朋取莊園花爲十八香菊號曰冷香

依依太瘦生

浪傳昇玉筍雅興採金英富貴春婆夢蕭閒膠

子情天涯無熱宦切莫擠淵明

陸平泉初入史館與同館諸公

以事謁分宜眾皆競前呈身遂至喧擠時庭中盛陳菊

花公徐卻步曰諸公且從容莫擠壞陶淵明聞者大慚

茂叔護門草陶公潤筆花此亭風月淡得句歲

年賒混俗常依柳逃禪卻助茶

釋皎然詩俗人知泛酒誰解助

茶香芙蓉千萬樹爭比地仙家

布地黃金滿飄零惜戰場
竭來參靜妙難得擷
幽香夏倚南山雪
秋聽北雁霜感時頻
濺淚不獨斷離腸

豈恨花時晚寒梅發更遲
寄人籬下俗得地月中
奇囊可三冬枕香團一局
棊歸期憑寫照黃
色起雙眉

佛頂靈峯換

黃菊中有名佛頂菊者

纏頭異卉催鶴書何

日到雪鬢此心開信有含章美
知無在野材

紫微新苑裏近日取霜栽

見李義山野菊詩

應夢花娘子

夷堅志成都府學有神曰菊花娘子相傳漢宮女飲菊花酒者土人

祈夢有靈應云聽經紫道人

毫社吉祥寺有僧誦華嚴經忽一紫兔自至馴伏不

去聽經惟餐菊花飲清泉眾呼菊花道人

共傳迎戊己及代守庚申

藏中女巫巫及靈呼圖克圖同卜子明春還里今則已未也

萬選錢應富千堆

錦未貧不愁蠻閩厄

九月乃藏歷八月

霜節暖如春

紀遊行

有序

山廬寂靜梵閣清寒偶憶丙午至己未

遊十四載山川風景如在目前爰做玉

谿生轉韻體作紀遊一百七十六句

一麾五馬守丹陽
落落琴鶴古柏堂
青山采石傳謝李
不聞人去弔周郎
五溪橋畔九華主
地藏仙人餐白土
夜半長江一葉舟
拋天脅月黃
湓浦海門第一舊
舒城皖口曾傳博
士名記得黃荆塔
畔句一根除淨六
根清翠螺佳蔚文
峯岱譽髦不讓梁
江總擔經挾策半
載餘太守慚非鑄
顏孔東下平江是
潤州玉皇閣畔景
陽樓六千君子齊
攀桂卻笑吳剛早
白頭鍾阜龍蟠靈
谷寺比邱也學探
奇字半山明月一
樓雲不

管人閒興敗事寒飈信宿毘盧菴禪師默默漏
齋齋清腴初食雪裏髭書生沈味十分甘雪堂
初試量才尺冬郎小友爭前席花燈不看看青
燈得意三條燭下客

丙午夏守太平遊
池寧安江寧諸府

黃霸循

聲清潁中帶牛佩犢祛豪風分金亭側耕春藉
四賢廳前勸老農歐先蘇後風調古聚星百戰
黃堂府龍華佛會萬人觀翰墨翹關聽拔取爲
愛劉家黑牡丹勺園風起花催殘富貴不能成
一事未許清貧太守看天上黃河決譙亳白圭

治水鄰爲壑哀哉萬姓哭懷襄禾黍芄芄未及
獲莊生廟裏動波濤頽隄露宿敢言勞批牒未
回先發粟千邨雁戶哺嗷嗷

丁未移守潁州六月督賑水災鶴

頭書下天章閎三十六州齊錯愕何武居無赫

赫名濠梁惠子觀魚樂

秋八月督賑畢陞鳳廬觀察使

六蓼農

桑富阪田廬江煙雨碧連天偃月隄名太安壩

桑田比戶真巢仙大江以北天門峙八公山憶

淮南子華陽古洞可梯仙只是不容凡骨耳滁

陽名著清流關三亭灑灑雪滿山清詩餉我觀

雲海醉翁泉注醒心灣雲龍山人張天驥放鶴
亭子東坡記巋然石佛出頭難何論土泥居士
輩百八珠曹十五年小車此日駛朝

天江淮作吏廢樂事無援進序歲三遷

戊申春遊廬六

無爲和滁宿徐諸州

臨淮祖帳攀轅晚石棧雲梯天末遠

不愁子胥十丈濤豈怕王尊九折阪

四月遷蜀臬使

我讀孟昶石戒銘爾畏爾謹常惺惺且園清興了
無事玉蘭花映雙冬青官舍僧房師點點教人
以約失者鮮行年五十可知非宦意文情殊不

淺浣花谿畔竹闌干草堂數數追餘歡世上多
吟六快活何如子美主詩壇不枕文君壚上麴
不問君平簾下卜養生四印箇中提非向三山
定五竺三年臥閣錦官城蠶市仙橋夜不驚他
年若遇歐陽子故應高唱益昌行祝

釐策馬灤陽道巷舞衢歌氣皞皞報政惶恐下
下科

帝曰關中汝其保

庚戌春遷安藩司未之任調蜀藩冬調陝藩

舊尹

森森大華蓮涇清渭濁分流傳赤腳老人腳無

垢開心符等驪山泉濃薰班馬標蘭閣振以斯
文在斯鐸風簷起建六千厦從此不愁雨淋鶴
兩秋無麥又無禾使君空報雨滂沱庭樹青青
枝葉滿惠歸一尉悔如何計口授粟勤荒政金
帶解腰濟民病鄭公曾活萬人來勝廿四考中
書令將軍大旆指西南羽林千騎齊分甘席地
不供穎王錦惡餅誰撻驛亭男一歲功成廓爾
喀迢迢萬里西琛納風陵象馬渡黃河月竈鸞

皇集

紫閣煌煌

天語靖戎韜坤隅絕徼無屯膏柱天都部轉金

藏腐儒叨佩赫連刀

癸丑冬遷內閣學士兼副都統奉

命駐藏

跋

馬魚通風土惡背枕寒燈苦瘴藥冰城雪窖走
六千越見蘭臺瑩且博烏斯使者來真丹旄頭
偃子驚飛翰我笑青蓮眼界窄枉說當年蜀道
難兜率天邊彌勒壽不離生滅智無漏布達札
什法門同毳褐強於銅乳臭崑崙耳燒螺甲香
酥茶潼酒浣詩腸木馬能嘶泥牛吼誰云難馴

疲津梁維摩鎮日橐駝坐酌史炊經自印可四
禪天上伍喬星雪竇雲門指老我側聞猺獠舞
木杵五溪鼎沸崑岡炎承流啜汁盡孫呂土偶
桃梗乖西殲荆楚沐猴川藟苴烽郵羽檄四寒
暑高門塞誤涿耶山智將福將不遑處天西寂
靜罕車星但吹氏厭費叮啞三軍掉戰誰氏子
儒冠虎乙團三丁翊雞婁鼓終日譟布母縛亞
花練帽臨江之麋黔之驢可喜訊方無雄鷲我
心懸旆鹿馬東歲寒不凋摩頂松林閒六白決

耳爚照天蠟燭夢蒼穹安得越舊蛇亞子一麾
如意萬軍起又如岡堅驟天王一劍脫手千賊
亡

庚申

札什倫布六十初度二首

十五年前壽溢江夜酌曾

丙午生日值
夜泛舟皖江

昔成雲

水夢今作雪山僧野供千夫膳樓開百丈燈不
嫌馬齒落逸驥總驍騰

甲子人閒世吾過七五周

按甲子紀元乾隆
甲子乃第七十五壺

中看日月天外度春秋博望槎猶繫班生筆未
投百蠻碑到處黃卷足忘憂

柳泉浴塘邀班禪額爾德尼傳餐閱武二

首

十里旃檀海秋光壓帳寒四陪無上座一飽可

中餐

甲寅丙辰戊午庚申四巡後藏

悟水觀童皴貪山問懶殘

會逢離垢院香界好盤桓

小試有爲法軍門共一嚙靈根青佛子

班禪年十九

慧業老丈人百丈僧傳偈

是日班禪集僧百八誦經爲吾壽
三

千劫轉輪願將無量壽

班禪手遮無量壽佛

萬里祝

楓宸

擦隴道上口占

曲奪連江鞏

二山名

層層石疊關雪流天上水雲

起地中山白髮卿能少黃冠女作蠻日晡開弈局心陣自閒閒

定日閱兵得廓王信有懷松湘浦赴伊江

二首

一綫通陽布荒酋泰道登省勞吾免胄忍教爾

懸纒廓王遣使越境來迎遂諭止之午振驅山鐸宵燃照魅燈

西南占蹇利不禁憶良朋

五載共聲名羌無兩面更西天傳法嗣金奔巴掣呼畢

勒罕十三人南海授門生廓番遣番人四名授經書識漢字齊政休

移俗攻心勝築城玉門班定遠魚水策平平

薩迦呼圖克圖遣使謝過書事

下坂流丸止千迷一轉通摹天喧硬雨驀地足

罡風叵信聞鈴語爭叨喫酒功薩迦前以妖言見惑遂嚴斥之

問僧行大定孰與脫龜筒

帖紙中秋月靈珠易餅回

以萬靈丹贈
余答以月餅

未除慳

吝性枉住淨明臺

感以妖言者欲止予
過其境避差徭故云

如意丹

爲寶長春樹好培卽心原是佛那復獻如來

脅噶爾寨

札古天然畫雲程暫解顏銀光清濟水墨色米
家山寺穩雞窠衲邊清蝸角蠻廚人喧夜語北
斗指鄉關

立秋日觀稼工布塘

爽氣初迎日神龍放曉晴使星過六甲霖雨足

三庚客話邊廬靜心懸戍鼓驚百蠻歡若此楚蜀訪輿情

賦得鶡旦不鳴

毅鳥似雉而大有毛角鬪死方已古人取爲勇士冠

陽鳥感六陰之極故不鳴

毅勇司陽鳥重陰卻畏寒蒙蘇羅可致

史記蒙鶡蘇羅

鳥尾啞瑞獻無端

清異錄有獻錦雉者于頓曰鳴不中律亦啞瑞耳張敞舍鶡飛

集以爲瑞靜掩神兵幟

列子黃帝與炎帝戰以鶡鶡爲旂幟

空慚武士

冠

續漢書虎賁武士皆鶡冠

乾剛如作氣

王粲鶡鳥賦云服乾剛之正氣挑

敵見心丹

曹植賦若有翻雄駭逆孤雌驚翔則長鳴挑敵鼓翼專場

少年行

壯老輕少年談笑不掛齒回思少年日露鋒常
過此未知蘊葆光英發烏可止了了未必佳母
乃輕量爾華胄十年遙世交敘孔李小友一言
驚相公好輒美拜牀梁伯孫下車君房子審知
禍福基勞謙定无悔

辛酉

五月還都進打箭鑪口再賦鑪城行

江南梅根治永州鐵鑪步實去而名存千年尚

流布巉巖魚通口西來三藏路曷爲打箭名地
以人傳故諸葛忠武侯運策儲武庫箭鏃千萬
枝此山命冶鑄爾時征南詔五月瀘水渡歲務
七縱擒未遑勞西顧箭成而不用棄等槽矛數
洪爐沒山坳寥落孤煙戍論功功烏有行賞賞
未注司事者誰與郭達荒祠塑我今轉全藏干
戈新偃仆風雲壯西海廓番叩額附瀉土歸流
民干闌絕驚怖道場復光輝普界天花雨乃遊
箭梁寺山靈舊呵護苦鏃作屋椽武功標長住

星光決飛隼霜氣迷狡兔墮淚峴山碑傷心泣
雙柱青簡貯淩煙白骨埋荒墓邏迤八霜人升
沈理從悟用舍箭殊途名實兩歧誤爲語郭將
軍箭有遇不遇

易簡齋詩鈔卷二終